

loco meminerunt Geographi. Vtrum vero a Carnunto, veteri Opido cujus crebra apud auctores mentio est, nomen hi suum traxerint, an vero ipsi a se urbem denominarint, dubium fecit rei vetustas. Est is locus in Ripensi Pannonia, septem fere Vienna Milliaribus distans, ubi non obscura celeberrimæ olim urbis indicia, monimenta ac rudera, etiamnum extant, ei nunc D. Petronellæ nomen est. Dicuntur vero & Carnioli Germanice *Karnten, Krain, Karst*. Habet autem hæc Regio ab Ortu & Septentrione Styriam, ab Occasu & Meridie Alpes & Forum Iulii contingit. Hujus pars est Carniola. Multæ in hac Regione valles collesque Triticum feraces. Solinus cap. xxx ait, Agrum Noricum frigidum & parcius fructuosum, qua vero subducitur a jugis Alpium admodum lætum. Metropolis Regionis est *Santo-Vicus* urbs minime negligenda ad Glanam Fluvium. Forum habet satis spatiosum, ac perennis aquæ Fontem limpidissimum. Sunt præterea *Villacum* Opidum, domibus in fronte coloribus historiisque magnifice depictis, spectantibus gratum. Situm est in planicie altissimis rupibus septum ad Dravum flu. Ponte lapideo ejus oras connectens: *Clagenfurtum* urbs bene munita, *Claudia* antiquitus, Lazio teste, vocata. Sunt qui scribunt, ejus urbis Cives furibus adeo esse inexorabiles, ut levissima etiam furri suspitione notatus, inauditus ad crucem abripitur, post ejus diei quo supplicium de eo sumptum est, tertium, de mortuo judicant: quem si infontem cognoverint, honorifice sepeliunt: si jure eum damnatum compererint, pendere sinunt. Sed hanc Fabellam commentitiam vocat Rithaymerus. *Frisachum*, magnam referens vetustatem; *Wolfspergum* Lavando flu. adjacent: *Santo Leonardus* & c. Multi in hac regione Lacus, multi Amnes. Lacus sunt *Mulsettersee, Ossiachersee, Werdsee, Lavandisee, Iudenburgersee, Weysssee*. Inter Amnes præcipuus *Dravus*, qui per Stiriam ac Pannoniam in Danubium fertur. Hand inferior *Savo, Glana, Schleimicza, Lavanda*, quos omnes *Dravus* absorbet. *Mura* quoque eidem Dravo miscetur. Plerique autem dictorum flu. huic Regioni Fontes suos debent, ac in eadem Ostia sua habent. Montibus undique innexa est Regio. Excelsa enim Alpium capita, ut Strabo scribit, continua hæcenus extenduntur, & unius Montis faciem exhibent, remissa inde & inclinata, plures in partes, & plures in vertices attolluntur. Tauri portiones jugaque crediderim, unde ab Incolis suis nominibus distincta. Ab Occidente *Gastein Taurin, Villacher Taurin, Rastatter Taurin, Karnen Taurin*, vocantur. Nonnulli vero vertices Alpium nomina servant, ut sunt *Modringalbn., Serbisalbn., Sanalbn.*, & c. Et Dravo flu. *Dietzpergus* imminet, & super hunc Mons Argentatus est, adcolarum lingua *Silber Berg: Rastpergus Mons* Muræ ac Ilaræ fontes habet, altero in Meridiem, altero in Ortum fluente. Inter hos vero Tauri Alpiumque editissimos colles, Silvæ Lucique sparguntur, Hercyniæ Silvæ portiones, uti sunt *Hirschpuhl, Priewaldt, Adelwaldt, Eremus* vulgo in *der Eynod* silvæ. Mineris prædictæ Alpes, Ferri, Argenti, Auri turgēt. Quantum ad Ecclesiasticam Jurisdictionem attinet, ea inter Episcopum Saltzburgensem, & Patriarcham Aquilegiensem partita est, inquit Paracelsus. Ritum apud hos insolitum ac minime vulgarem inaugurandi Principes accuratissime in sua Europa describit Pius II, & Munsterus lib. III Cosmographiæ.

Solifertilitas.
Urbes.

Lacus.
Flumina.

Montes.

Silva.